

四庫全書

史部

欽定四庫全書

史部

明集禮卷二十四上至

詳校官監察御史_臣劉芬

編修_臣程嘉謨覆勘

總校官知縣_臣楊懋珩

校對官中書_臣孫球

謄錄監生_臣吳壽朋

欽定四庫全書

明集禮卷二十二

嘉禮六

冊公主序

古者天子之女謂之王姬周之中世下嫁諸侯天子至
尊不自主婚故使諸侯同姓者主之而謂之公主漢制
因之始有封邑帝之姊妹謂之長公主至唐公主長公
主皆有封國而或以美名爲號天子之姑又謂之大長

公主其冊拜之禮則皇帝御正殿陳樂懸命使行禮及德宗時始不御正殿不設樂懸但傳旨命使以行冊禮於其宮中而已其後遂為故事至宋初公主受封降制有冊命之文多不行禮止以綸告進內而已至仁宗嘉祐二年降制以福康公主進封充國公主始備冊禮其制因唐但受冊畢有內命婦拜賀公主之禮有羣臣進名賀皇帝之文公主受冊禮畢則又有謝皇帝皇后禮一如內中之儀元無冊公主之文今擬國朝冊公主皇

帝臨軒遣使持冊印至宮內官傳入宮中公主受冊畢
朝謝皇帝皇后如宮中之儀內命婦諸親於公主前行
賀禮今集歷代冊拜禮物儀文之詳以著于篇

冠服

漢制公主冠服大手髻簪珥服純縹上下其長公主首
服加步搖其服以文繡齊公主大手髻繡衣裳黃綬長
公主則紫綬唐皇帝臨軒命使則服通天冠絳紗袍公
主長公主皆首飾花九樹服翟衣宋公主長公主皆首

飾花九樹服褕翟元公主用其本俗冠服國朝公主服九翬四鳳冠翟衣其制並見冠服篇

車輅

漢制公主乘油畫輅車長公主赤罽輅車晉公主油輅車駕二馬宋公主安車以紫絳罽輅車為副齊公主油絡畫安車梁長公主公主皆得乘青油榻幢通幃車榻幢涅幃為副北齊諸公主油朱絡網車隋公主攢車紫幃朱網絡唐公主用厭翟車宋制因之國朝公主依唐

制用厭翟車

冊

漢封公主不著作冊之制北齊命公主冊軸一枚長二尺以白練衣之用竹簡十二枚六枚與軸等六枚長尺二寸文用篆字唐公主冊亦用竹簡宋公主冊用竹簡長一尺一寸闊一寸約文多少用二十四枚以天下樂錦裝標國朝冊公主用銀冊二片鐫字鍍金每片依周尺長一尺二寸闊五寸厚二分五釐字則依數分行每

片側邊上下有竅用紅條聯貫開闔如今書帙之狀背用紅錦嵌護藉以紅錦小褥冊盡以木為之飾以渾金澀粉蟠螭用紅紵絲襯裏內以紅羅銷金小袂裏冊外以紅羅銷金夾袂覆之五色小絛繫于匣外臨冊之日置于紅漆輿案案頂有紅羅瀝水用檐牀二舉之

冊文

唐德宗冊嘉誠公主其文曰維貞元元年歲次乙丑六月甲子朔十二日乙亥皇帝若曰王者以義睦宗親以

禮敦風俗義之深實先於友愛禮之重莫大於婚姻故
春秋書築館之儀易象著歸妹之吉子是用祇考令典
率由舊章咨爾嘉誠公主孝友柔謙外和內敏公宮稟
訓四德備修䟽邑啓封命為公主徽章所被禮實宜之
今遣光祿大夫檢校司徒平章事汧國公勉持節冊命
爾惟欽哉下嫁諸侯諒惟古制肅雖之德見美詩人勤
可以克家敬可以行己奉若茲道永孚于休懋敦王風
勿墜先訓光膺盛典可不慎歟宋仁宗冊克國公主其

文曰皇帝若曰二姓合好肇正人倫諸女畢封著于典冊風化自出物采有庸惟皇度衷稽念故實揆吉釐降錫命是彝咨爾長女福康公主慧悟哲溫柔嘉敏達夙憑詒翼之慶祇蹈婉和之箴徽智天成韶華日茂鄉昨國邑期之壽康而夷亮自持莊靜逾恪肅侍左右勤孝盡恭承顏愿色純至非勉實緊能養乃底燕寧朕緬慕先慈叅詢福耦謀及外黨得茲善述枚卜休辰申寵褒數益地廣魯龜蒙之疆公主主儀率迪舊準今遣使戶

部侍郎叅知政事王堯臣副使樞密副使禮部侍郎田
況持節冊命爾為充國公主爾其欽帥內範繹敷令猷
動監圖史之規時稟紳禱之戒懋爾德慎爾心尚服祖
宗之攸訓永流惠聲不其猗歟

印

漢封公主不著印綬之制晉公主金印紫綬陳公主金
印龜鈕紫綬北齊公主金章纁朱綬唐公主無印綬之
制宋公主金印方一寸其文曰某國公主之印龜鈕紫

綬元皇姑大長公主皇姊長公主金印龜鈕方三寸一分今擬國朝公主用金印龜鈕依周尺方五寸二分厚一寸五分其文曰某國公主之印綬用朱印池用金閭取容印印匣二副每副三重外匣用木飾以渾金瀝粉蟠鳳紅紵絲襯裏中匣用金釵造蟠鳳內小匣仍用木飾以渾金瀝粉蟠鳳紅紵絲襯裏小匣內置以寶座四角雕蟠鳳飾以渾金座上用小錦褥上一置印一置印池印用銷金紅羅小夾袂裹之其匣外各用銷金紅羅

大袂覆之臨冊日置於紅漆輿案頂有紅羅漚水用檐
牀二舉之

節

唐宋冊公主皆遣使持節其制與冊皇后節同國朝冊
拜公主遣使持節其制朱漆扛金龍首上施圓盤旄牛
毛纓八層金銅鈴韜以黃羅繡龍袋

樂

唐冊公主皇帝臨軒展宮懸皇帝出入奏太和之曲冊

使出入奏舒和之曲後至德宗貞元二年始不臨軒不設樂懸遂為故事宋冊公主無用樂之儀國朝皇帝臨軒遣使冊公主用大樂與朝會同見俗樂篇

儀仗

唐冊公主皇帝臨軒諸衛屯門列仗鉞戟近仗陳於殿庭宋傳旨命使冊公主無設儀仗之文國朝皇帝臨軒遣使冊公主其儀仗與朝賀同

執事

唐皇帝臨軒司徒為使尚舍奉御掌設御幄守宮掌設
羣官次奉禮掌設板位太樂令掌設宮懸典儀掌設舉
麾位及文武羣官位及引禮贊禮諸衛掌陳屯門列仗
通事舍人掌引禮侍中掌奏中嚴外辦奏發冊命使承
制宣制及奏禮畢協律郎掌舉麾符寶郎掌奉御寶主
節者掌主旂節黃門侍郎掌以節授冊使令史二人掌
舉冊案中書侍郎掌引冊案中書令掌取冊以授冊使
贊引掌引禮其公主受冊守宮掌設使者次及冊案次

司贊掌設公主位及命婦至行禮則引公主通事舍人掌引冊使副內侍掌引使者尚儀掌讀冊稱制以冊授公主掌贊掌贊拜女使掌舉冊案司言掌贊公主拜及受公主所受冊內謁者監掌傳報使者稱制言于公主及於冊使前言冊公主禮畢宋命使發冊叅政為使樞密副使為副儀鸞司掌設百官次及冊使副次典儀掌贊禮及設受制宣制官位諸官版位贊者掌承傳禮直官通事舍人太常博士掌引禮及稱制宣制門下侍郎

掌引主節者以節授冊使掌節者掌受冊使所受節奉冊印官掌帥執事者奉舉冊印案中書侍郎掌押冊禮部郎中掌押印右弼掌取冊以授冊使禮部侍郎掌取印以授副使其公主受冊典儀掌設使副位及冊印案位內給事位禮直官掌引使副及內給事就位通事舍人太常博士掌引冊使副就內給事前稱制內臣掌引命婦就位管勾內臣掌持冊印入內內給事掌設公主受冊位內命婦版位及請公主服冠服傳使者受制言

于公主及受使副冊印以授公主及贊拜又接受公主所受冊印內謁者掌受內給事所受冊印國朝冊拜公主其執事詳見于儀注

陳設

唐冊公主臨軒命使設御幄於太極殿設羣官次於東西朝堂展宮懸設舉麾位設文武官版位及典儀贊者位設屯門列仗設冊使位陳鉞戟近仗於殿庭至受冊所則設使者及冊案使次於光範門及長樂門外皆道

右東向設公主位於長樂門外內殿前設內命婦位設應陪位者及尚儀司贊掌贊典儀位設冊使及舉冊案者位宋制遣使冊公主設文武百僚次於朝堂之內外又於內東門外東廊設冊使副等次西向北上設冊使副受制位及樞密官宣制位門下侍郎奉節位右弼禮部侍郎奉冊印位設應行事官位設權置冊印褥位二於橫街南黃道東稍退西向冊在北印在南又於冊印褥位後各設使副褥位一又於冊使副受制位稍北設

褥位一以伺冊使受冊副使受印又設冊使奉冊位及副使并內給事位設冊印案位於冊使之前設公主受冊位及內命婦位國朝陳設詳見于儀注圖本

班位

唐冊公主臨軒五品以上於橫街北六品以下於橫街南諸親於五品之南典儀位在懸東贊者二人在南少退俱西向冊使位在懸北俱北面副使位在使東少退至受冊所則公主位在長樂門外內殿前近南當街北

面西上內命婦應陪位者位於公主東北及西北嬪御等
等在東宮官等在西階重行相對北上尚儀位在命婦
之前皆東向西上尚儀位少退司贊位在尚儀位南少
退掌贊二人位其後宋命使發冊使副受制位在文德
殿庭橫街之南北向東上知樞密院官宣制位於使副
東北西向門下侍郎奉節位及右弼禮部侍郎奉冊印
位在冊使東北西向三公以下文武百僚殿庭班位皆
東西相向如冊皇后命使儀至受冊所則設冊使奉冊

位於內東門外副使內給事在其南並東向北上冊印案位在冊使之前內給事位在冊使東北俱南向公主受冊位在本位庭階下北向內命婦位在本位門外國朝班位詳見于儀注圖本

冊拜公主儀注

發冊

前一日內使監設御座於奉天殿如常儀設皇太子侍立位於御座之東尚寶卿設寶案於御座前侍儀司設

冊印案於寶案之前

冊案在東
印案在西

設奉節官位于冊案之

東掌節者位于其左差退俱西向設承制官位于奉節
官位之南西向設奉冊奉印官位于冊印案之西東向
設使副受制位于橫街之南北向東上設承制官宣制
位於冊使受制位之北西向設奉節官奉冊奉印官位
于使副東北西向又設使副受冊印褥位於受制位之
北北向設文武官侍立位於文武樓之北東西相向設
典儀二人位於丹陛上之南東西相向贊禮二人位於

丹陛下之南東西相向知班二人位於贊禮之南東西相向引禮二人位於冊使受制位之北東西相向引文武班舍人位於文武官之北東西相向和聲郎設樂位于丹墀之南北向禮部設龍亭於奉天門外之正中南向所司備儀仗大樂以俟迎冊印以行其日諸衛列軍仗於午門外將軍二人於殿上簾前東西相向將軍六人于奉天門之左右東西相向將軍六人于奉天殿門之左右東西相向將軍四人於丹陛上之四隅東西相

向拱衛司陳設儀仗於丹陛丹墀之東西鳴鞭四人于
丹陛上北向拱衛司光祿寺官對立于奉天門之左右
東西相向質明催班舍人催百官各具公服執事官入
就位引禮引使副入就丹墀受制位導駕官侍從官入
迎車駕侍儀奏外辦御用監奏請皇帝服通天冠絳紗
袍御輿以出侍衛警蹕如常儀至奉天殿樂作陞御座
樂止引進啓皇太子具遠遊冠絳紗袍導引至侍立位
尚寶卿奉御寶置于案捲簾鳴鞭報時訖禮部官以公

主冊印各置于案奉節官承制官奉冊官奉印官及掌節者各就殿上位立定舉冊印案四人立於奉冊奉印官後贊禮唱鞠躬拜興拜興拜興拜興平身使副鞠躬

樂作

拜興拜興拜興拜興平身

樂止

承制官進當御座

前北面跪奏請發公主冊印承制訖由中門出至宣制位稱有制贊禮唱跪使副跪承制官宣制曰冊皇女某為某國公主命卿等持節展禮宣制訖由殿西門入就位贊禮唱俯伏興使副俯伏興奉冊奉印官率執事官

舉冊印案由中門出中陞降奉節官引掌節者前導至使副受冊印褥位以案置于褥位之北冊東印西奉節官率掌節者至使副受制位前掌節者脫節衣以節授奉節官奉節官搢笏受節以節授冊使搢笏跪受以授掌節者掌節者跪受興立于冊使之左奉節官出笏退引禮引冊使詣受冊褥位立定奉冊官搢笏就案取冊以授冊使用使搢笏跪受訖興置于案冊使及奉冊官皆出笏退復位引禮引副使詣受印褥位立定奉印官

搢笏就案取印授副使副使搢笏跪受訖興置于案副使及奉印官皆出笏退復位贊禮唱鞠躬拜興拜興拜興拜興拜興平身使副鞠躬樂作拜興拜興拜興拜興平身

樂止引禮引冊使押冊副使押印掌節者前導以次出

冊使初行樂作出門樂止掌節者加節衣奉冊奉印官

皆搢笏就案取冊印置于龍亭中訖奉冊奉印官退執事者舉案退儀仗大樂迎龍亭以行掌節者行於龍亭之前使副行於龍亭之後迎送至內宮門外初冊印將

出門侍儀奏禮畢皇帝興

樂作

皇太子侍從還宮

樂止

引班引百官以次出

受冊

前一日內使設冊禮使副位於內宮門外北向掌節者位於冊使之後設內使監令位于冊使之北西向設引

禮二人位于冊使之北東西相向設權置冊印案于冊

使之北

冊東印西

內使監設公主受冊位於本位庭中北向

設香案於受冊位之北設冊印案於香案之南

冊東印西

設

內命婦諸親立位於庭階之南東西相向又設公主受賀位於宮中設內命婦諸親賀位於公主位前南向設內贊二人位于公主受冊位之北東西相向設引禮內使二人位於內贊之南東西相向是日冊印將至內宮門內使請公主服花釵翟衣出閣至本位宮中南向立及冊印至使副於龍亭中取冊印權置于門外所設案上引禮引使副及內使監令俱就位立定次引冊使於內使監令前稱冊禮使臣某副使臣某奉制授公主冊

印退復位內使監令入詣公主本位宮中躬言訖出復位引禮引內命婦諸親俱入就位引禮引冊使詣冊案搢笏取冊授內使監令內使監令跪受訖以授內執事冊使出笏退復位引禮又引副使就印案搢笏取印以授內使監令內使監令跪受訖以授內執事副使出笏退復位以俟內宮行禮內使監令率執事者奉冊印以次入詣公主受冊位前以冊印各置于案

冊東印西

引禮引

公主降詣庭中受冊位立定侍從如常儀內使監令率

內執事取冊印以次立於公主之東西向內使監令稱
有制內贊唱拜興拜興拜興公主拜興拜興拜興
拜興宣制訖內執事取冊跪授內使監令內使監令跪
讀訖以授公主公主跪受訖以授內執事內執事取印
跪授內使監令內使監令跪讀訖以授公主公主跪受
以授內執事內贊唱拜興拜興拜興拜興公主拜興拜
興拜興拜興內使監令出詣使副前躬稱公主受冊禮
畢使副詣奉天殿前橫街南北面立給事中立于使副

東北冊使再拜復命曰奉制冊命某公主禮畢又再拜
平身給事中奏聞乃退引禮引公主陞階就位南向坐
引禮引內命婦諸親以次就賀位立定內贊唱拜興拜
興拜興拜興內命婦諸親皆拜興拜興拜興內贊
唱禮畢引禮引內命婦等退內使監令引公主謝皇帝
皇后並如宮中之儀

欽定四庫全書

四

卷二十二上

冊公主
丹墀版位

樂

文官侍立位

護衛百戶十二人

宿衛鎮撫

奉印官
奉冊官
奉節官

合掌

引禮
知班
贊禮

用使受制位

使司受冊印位

引
品
贊

副使受制位

武官侍立位

人二十人百衛護

宿衛鎮撫

丹陛版位

明集禮卷五十八

典儀

天武將軍

天武將軍

鳴鞭

鳴鞭

鳴鞭

鳴鞭

光祿司官三員

員三官司揮指

護衛

護衛

護衛

護衛

天武將軍

將軍

將軍

將軍

將軍

將軍

將軍

拱衛司官

拱衛司官

護衛

護衛

護衛

護衛

天武將軍

鳴鞭

鳴鞭

鳴鞭

殿上版位圖

明集禮卷三十九

將軍

事

承制官

主節官

奉節官

奉問官

班從侍官文

皇太子

冠

冠

冠

冠

班從侍官武

章印

公主宮中受冊版位

明集禮卷二十三

受冊便

受冊便

受冊便

引禮

引禮

內贊

內贊

內使監官

奉冊內執事

奉冊內執事

司香

司香

司香

內舍婦人拜位

內贊

司香

公主殿

欽定四庫全書

明集禮卷二十二下

嘉禮

冊內命婦序

王者之有內命婦所以輔皇后典六宮而成內教者也
故周制有三夫人九嬪二十七世婦八十一御妻漢初
有夫人美人良人八子七子長使少使之名武帝制婕
妤媼娥倭充依各有爵位元帝時有昭儀賜以印綬

而光武中興六宮稱號則惟貴人賜以金印紫綬至唐有貴妃淑妃德妃賢妃為夫人正一品昭儀昭容昭媛修儀修容修媛充儀充容充媛為九嬪正二品婕妤九人正三品皆遣使冊命宋惟正一品貴妃淑妃德妃賢妃則遣使冊命而妃受冊畢有受內命婦賀禮及謝皇帝皇后如宮中之儀元置諸妃不定品秩亦無冊拜之

典國朝

闕

冠服

周官追師為外內命婦之首服鄭氏謂首服為編次也
內司服辨外內命婦之服鞠衣展衣祿衣素沙鄭氏謂
衣鞠衣展衣者用編衣祿衣者用次唐皇帝臨軒服通
天冠絳紗袍其內命婦受冊服首飾翟衣施兩博鬢一
品花釵九樹寶鈿准花數翟九等二品花釵八樹翟八
等三品花釵七樹翟七等宋制因之國朝皇妃受冊服
九輦四鳳冠翟衣歷代之制詳見于冠服篇

車輅

唐制內命婦受冊一品乘厭翟車二品乘翟車三品乘
安車各駕二馬宋內命婦乘銀裝白藤輿檐或乘金銅
犢車漆犢車國朝皇妃受冊用厭翟車歷代之制詳見
車輅篇

冊

唐內命婦冊不著其制遣使之日以油綵網犢車載之
而行宋仁宗立張貴妃其冊用竹簡每簡長一尺一寸
闊一寸約文多少用二十四枚以天下樂錦裝褙黑漆

冊匣金鍍銀飾茜綾托裏茜絲條黑漆冊牀金鍍銀飾
蓋冊襯冊皆以夾帕國朝冊皇后用銀冊二片鐫字鍍
金每片依周尺長一尺二寸闊五寸厚二分五釐字則
依數分行每片側邊上下有竅用紅條聯貫開闔如今
書帙之狀背用紅錦嵌護藉以紅錦小褥冊盡以木為
之飾以渾金瀝粉蟠鳳用紅紵絲襯裏內以紅羅銷金
小袂累冊外以紅羅銷金夾袂覆之五色小條縈于匣
外臨冊之日置於紅漆輿案案頂有紅羅瀝水用檐牀

二舉之

冊文

宋仁宗冊張貴妃其冊文曰皇帝若曰夫上憲星極協
敷陰教惟四妃之列亞長秋之位正始王化御于家邦
咨于淑哲是謂疇內治備于典冊是謂隆徽數諗而行
之古今通誼美人張氏淵敏居質醇和賦性生綏寬之
令族稟圖史之懿戒柔明維則克茂嬪風婉孌含章詎
煩姆訓肆予涼薄纂大丕構樂得邦媛叅叙宮職始明

慎于選納見勤勞于輔佐擢辭貴秩愈勵冲誠宜有褒
嘉聿申崇拜揆茲穀旦膺此渙恩質于師僉乎我德舉
愉翟盛其服禮莫大焉彤管貽其範體莫重焉澣衣示
儉婦道予以從訓樛木逮下風人予以流詠寵命既輯
爾實宜之今遣使左諫議大夫叅知政事龐籍副使右
諫議大夫高若訥持節冊命爾為貴妃於戲體順承以
勤道躬法度以修己祇率九御贊于壺則惟勞謙以處
其貴惟肅雍以成其美永啓休譽不其盛歟國朝

印

漢制貴人用金章紫綬晉三夫人金章紫綬九嬪銀印
青綬隋三妃九嬪婕妤並金章龜鈕紫綬宋貴妃金印
方一寸其文曰貴妃之印龜鈕紫綬黑漆印匣兩重並
金鍍銀飾茜綾托裏茜絲鎖條黑漆印牀金鍍銀飾累
印及蓋匣各以夾帕國朝皇妃用金印龜鈕依周尺方
五寸二分厚一寸五分其文曰皇妃之印綬用朱印池
用金間取容印印匣二副每副三重外匣用木飾以渾

金漚粉蟠鳳紅紵絲襯裏中匣用金釵造蟠鳳內小匣
仍用木飾以渾金漚粉蟠鳳紅紵絲襯裏小匣內置以
寶座四角雕蟠鳳飾以渾金座上用小錦褥上一置印
一置印池印用銷金紅羅小夾袂裹之其匣外各用銷
金紅羅大袂覆之臨冊日置於紅漆輿案頂有紅羅漚
水用檐牀二舉之

節

宋冊內命婦遣使持節其制與冊皇后節同國朝冊拜

皇妃遣使持節其制朱漆扛金龍首上施圓盤旄牛毛
纓八層金銅鈴韜以黃羅繡龍袋

執事

唐冊內命婦守宮掌設使者及冊案次司設設受冊位
典儀掌設冊使位及舉冊案者之位內謁者監掌置冊
案掌次掌引冊使入就次謁者掌引冊使出次就位司
言掌引內命婦就受冊位及稱制宣冊以冊授內命婦
內給事掌受使者所授冊宋冊內命婦其執事與冊公

主執事同國朝冊皇妃其執事見于儀注

陳設

唐冊內命婦設使者及冊案使次於肅章門外及永安門外皆道右東向設受冊者位於寢庭設冊使位及舉冊案位於肅章門外近限宋發冊陳設皆與冊公主同國朝陳設詳見于儀注圖本

班位

唐制冊內命婦則受冊位在寢庭近南當階北向冊使

位在肅章門外之西東向北上舉冊案者位在南差退俱東向宋冊內命婦班位與冊公主班位同國朝班位詳見于儀注圖本

冊內命婦儀注

前期一日禮部官奉冊印進入置于謹身殿中御座寶案之前冊東寶西侍儀司設冊禮使受制位于奉天殿橫街之南稍東使副位于其西俱北向設承制官奉節官奉冊官奉印官位于使副之東北西向以北為上設

使副受冊受印褥位于受制位之北南向以俟冊使受冊使副受印設典儀二人位於丹陛上之左右東西相向設傳贊二人位于丹陛下之左右東西相向設文武官對立位於丹墀兩旁文東武西設引班四人位于文武官之北東西相向設贊禮二人位于冊使位之北東西相向所司置龍亭於奉天門外正中備儀衛鼓吹以俟迎冊印行內使監令又設使副位于內宮門之外北向東上設內使監令位於冊使之東北西向設贊者二

人位于冊使之北東西相向設冊印案於贊者之北冊
東印西內使設妃受冊位於本位庭中北向設冊印案
于妃受冊印位之北冊東印西設內命婦諸親賀位於
庭階之南北向又設妃受賀位於其宮之中南向設內
贊二人位于妃受冊位之北東西相向設引禮二人位
于內贊之南東西相向其日質明文武百官皆朝服引
班分引序立于奉天殿丹墀之兩旁東西相向贊引引
使副公服入就橫街南位北面立承制官奉節奉冊奉

印官及掌節者皆入詣謹身殿外北向立以俟內臣傳旨訖掌節者持節奉冊官奉印官率執事者舉冊印案以行奉節官率掌節者前導次冊案奉冊官後從次印案奉印官後從承制官押其後至橫街南以案置于使副受冊褥位之北冊東印西承制官奉節官奉冊奉印官各就位西向立掌節者持節立於奉節官之左差退典儀唱拜傳贊唱鞠躬拜興拜興平身使副皆鞠躬拜興拜興平身承制官詣使副前稱有制典儀唱跪使副

跪承制官宣制曰某妃某特封某妃

或已有封則曰進

封命公等持節展禮宣制訖復位典儀唱就拜興平身

使副就拜興平身奉節官率掌節者持節詣冊使前掌

節者脫節衣以節授奉節官奉節官以節西向授冊使

冊使跪受以授掌節者掌節者受節立於冊使之左奉

節官退復位贊禮引冊使詣受冊褥位立定奉冊官於

冊案上取冊授冊使用使跪受冊興置于案奉冊官及

冊使各退復位贊禮引使副詣褥位北向立定奉印官

於印案上取印西向授使副使副跪受印訖興置于案
奉印官及使副俱退復于位訖典儀唱拜傳贊唱鞠躬
拜興拜興平身使副皆鞠躬拜興拜興平身典儀唱禮
畢執事者舉冊印案出奉天門外奉冊奉印官取冊印
置龍亭中奉冊奉印官退贊禮引冊使押冊使副押印
持節者前導儀衛鼓吹以次出引班引文武百官退冊
印將至內宮門外內使請妃服花釵翟衣引出閣至本
位宮中南向立及冊印至使副於龍亭中取冊印權置

于門外所設案上訖引禮內使引使副及內使監令俱就位立定次引冊使於內使監令前稱冊使姓某副使姓某奉制授某妃冊印退復位內使監令入詣妃本位庭躬言訖出復位引禮引命婦諸親俱入就位引禮引冊使詣內使監令前冊使取冊以授內使監令內使監令跪受冊訖以授內執事引禮又引副使取印以授內使監令內使監令跪受印以授內執事內使監令率執事者奉冊印以次入詣妃受冊位前各置于案冊東印

西引禮引妃降詣庭中受冊位立定侍從如常儀內使監令率內執事取冊印以次立于妃之東西向內使監令稱有制內贊唱拜興拜興妃拜興拜興內使監令宣制訖執事者取冊授內使監令內使監令跪讀冊訖以冊授妃妃跪受冊以授內執事執事者取印跪受妃妃跪受印以授內執事內贊唱拜興拜興妃拜興拜興訖內使監令出詣使副躬稱妃受冊印禮畢使副還復命引禮引妃陞階就位南向坐引禮引內命婦諸親以

次賀如常儀贊禮唱禮畢引禮引內命婦退內使監令
引妃謝皇帝皇后並如宮中之儀

傳旨遣使冊
皇妃版位

率

三

引禮

引禮

文官侍立位

引班

引班

引班

引班

引班

知班

贊禮

知班

贊禮

引班

引班

位立侍官武

典儀

典儀

奉天殿

皇妃受冊版位

明集禮卷二十三下十一

受冊使

引禮

內贊

內使監令

奉冊內使

皇妃受冊位

受冊使

引禮

內贊

奉冊內使

冊

冊

冊

內命婦拜位

內贊

冊

皇妃座

明集禮卷二十二下

欽定四庫全書

明集禮卷二十三上

嘉禮七

天子加元服

總叙

按禮冠者成人之道也故帝王重之自天子至庶人皆有冠禮周文王十二而冠成王十五而冠此天子之冠禮也秦滅禮學冠禮無聞其見於儀禮者止於士冠而

已後世因士禮推而上之以達於天子漢改皇帝冠為加元服皆於祖廟而成禮焉永元三年和帝加元服至廟成禮還宮以朝服宴享永建四年順帝加元服皆於高廟以禮謁見世祖廟魏以後始冠於正殿東晉諸帝加元服則百僚陪位加袞冕畢太保率羣臣奉觴上壽先以幣告宗廟事訖又廟見北齊皇帝將加元服先奏告天地宗廟擇日臨軒加袞冕畢太保上壽羣官三稱萬歲後日文武羣臣朝服上禮又擇日親拜圓丘方澤

謁廟唐皇帝加元服先遣官告圓丘方丘宗廟擇日加
元服冠訖謁見太后次卜日謁太廟見廟之明日皇帝
會羣臣羣臣上禮宋政和御製冠禮自皇太子以下而
無天子加元服之儀元因本俗禮廢不行今擬國朝皇
帝加元服既筮日遣官奏告天地宗廟次擇日加充冕
於奉天殿冠訖謁太后次卜日親謁宗廟明日百僚稱
賀皇帝會羣臣今歷考前代儀文以著于篇

筮日

古者冠必筮日漢初用正月甲子丙子為吉後天子冠則筮日於廟唐制天子加元服卜日於太廟南門之外今擬國朝皇帝加元服前期命太史監擇日奏聞

奏告

晉穆帝將冠先以幣告廟而后行禮北齊天子加元服先以玉帛告圓丘方澤及以幣告宗廟隋唐皇帝加元服亦先告圓丘方澤宗廟今擬國朝皇帝加元服前期遣官祭告天地宗廟行一獻禮其儀見祀天祭地及宗

廟篇

冠服

周禮雖有冕服之數而無天子冠文漢順帝永建四年
加元服用曹褒新禮初加緇布進賢次加爵弁武弁次
加通天冠東晉諸帝冠儀用冕幘北齊皇帝加元服先
著空頂幘次介幘絳紗袍以出次加袞冕唐皇帝加元
服初著空頂黑介幘雙童髻雙玉導絳紗袍以出次加
袞冕服今擬國朝皇帝加元服先服空頂幘絳紗袍以

出次加袞冕服其制見冠服篇

加數

周禮公冠篇曰公四加天子亦四加五禮精義曰天子五加袞冕漢天子四加至魏以天子至尊禮無踰理惟一加袞冕唐開元禮因之天子加元服亦一加不著皇帝加元服之儀今擬國朝皇帝加元服一加用袞冕與唐同

就廟

古者冠必於廟五禮精義曰天子冠於始祖之廟漢和
帝以正月甲子至廟行冠禮魏天子加元服則一加於
正殿自魏以後加元服皆不就廟擇日謁廟而已唐天
子加元服則於太極殿成禮今擬國朝皇帝加元服於
奉天殿行禮

陳設

唐上舍奉御設御冠席於太極殿守宮設羣臣次於朝
堂大樂令設宮縣於殿庭鼓吹令設十二案於建鼓之

外乘黃令陳車輅尚輦奉御陳輿輦典儀設版位奉禮
郎設壘洗於阼階尚舍奉御設席於東房殿中監陳袞
冕服於東房內席上尚食奉御設醴饌諸衛勒所部陳
設黃麾仗如常儀今擬國朝陳設詳見儀注

執事

晉諸帝將冠御府令掌奉冕幘太保掌加幘太師掌加
冕太尉掌讀祝侍中掌繫玄紱常侍掌脫帝絳紗服加
袞服唐皇帝加元服則尚舍奉御掌設冠席守宮掌設

次大樂令掌設樂鼓吹令掌設十二案樂典儀掌設百
官版位奉禮掌設門外位侍中掌奏中嚴外辦奉禮郎
掌設壘洗殿中監掌陳冕服尚食奉御掌設醴位太常
博士太常卿掌導駕通事舍人掌引太師太尉太常掌
受冕太尉掌加帝冕服太師掌祝辭殿中監掌徹櫛纓
箱侍中掌進帨巾今擬國朝皇帝加元服執事詳見儀
注

賓贊

漢獻帝加冠以司徒淳于加為賓東晉諸帝冠皆以侍
中常侍太尉加幘太保加冕唐天子加元服則以太尉
設纚太師受冕今擬國朝天子加元服設太尉設纚太
師受冕如唐儀

用樂

古者君冠必以金石之樂節之漢和帝加元服撞太簇
之鐘東晉天子冠設金石之樂唐天子加元服將出撞
黃鐘之宮奏太和之樂太師入門奏舒和之樂皇帝受

解奏休和之樂禮畢撞蕤賓之鐘奏太和之樂今擬國朝
皇帝加元服和聲郎奏樂詳見樂書

醴醢

唐皇帝將加元服尚舍設莞筵尚食設醴及饌於東序
皇帝加冕服訖大師進醴於御座前祝曰甘醴唯厚嘉
薦令芳承天之休壽考不忘祝訖以饌進皇帝訖太師
取肺以進皇帝祭肺及祭醴啐醴訖奠於薦東今擬國
朝皇帝加元服行醴醢禮詳見儀注

祝辭

周成王冠祝雍作頌曰令月吉日王始加元服去王幼
志思弘袞職欽若昊天六合是式率爾祖考永永無極
漢昭加元服辭曰陛下擣著先帝之光輝以承皇天之
嘉祐欽奉仲春之吉辰普率大道之郊域秉率萬福之
丕靈始加昭明之元服推遠冲孺之幼志蘊積文武之
就德肅勤高祖之清廟六合之內靡不蒙福承天無極
唐大師祝曰令月吉日始加元服壽考維祺以介景福

今擬國朝祝辭或用古辭或臨時修撰

見太后

唐皇帝加元服訖服通天冠絳紗袍詣太后所御殿如常朝見之儀尚宮引就殿前北面再拜訖尚宮引出還宮今擬國朝皇帝加元服訖改服通天冠絳紗袍入宮拜謁太后如正旦儀

謁廟

周成王冠而朝于祖後漢天子冠訖皆於高祖廟行謁

見禮魏天子加元服訖別卜日謁廟唐因歷代之制冠訖有司卜日躬謁太廟今擬國朝皇帝既加元服擇日謁太廟其儀與時祭同

會羣臣

周制成王冠而後見諸臣漢和帝加元服訖還宮朝服以享宴魏天子冠訖出會羣臣唐開元禮天子冠而謁廟之明日會羣臣如元會之儀今擬國朝皇帝加元服見廟之明日百官具朝服稱賀畢錫宴于謹身殿並如

正至朝會儀

天子加元服儀注

前期太史院奉制筮日工部製冕服翰林院撰祝文祝辭禮部備儀注中書省承制命某官攝太師某官攝太尉既筮日遣某官奏告天地宗廟訖告示文武百官於皇城守宿至日侵晨具朝服行禮前一日內使監令陳御冠席于奉天殿正中設冕服案於御冠席之南香案又於冕服案南尚寶卿設寶案于香案之南侍儀司設

太師太尉起居位於文樓之南西向設文官起居位於
太師太尉起居位之後設武官起居位於武樓之南設
太師太尉拜位於丹墀內道稍西北向東上設太師太
尉侍立位於殿上御席之西東向設盥洗位於丹陛西
階之下東向內贊二人位於殿上南楹之左右東西相
向設文官拜位於丹墀內道之東每等異位重行北面
西上設武官拜位於丹墀內道之西每等異位重行北
面東上設使客位於文官拜位之東北面西上殿前班

諸執事起居位於武官起居位之北東向設侍從班諸執事起居位於文官起居位之北西向設宿衛鎮撫二人位於東西陛下東西相向護衛百戶二十四人位於宿衛鎮撫之南稍後東西相向典牧所官二人位於乘馬之前東西相向知班二人位于文武官拜位之北東西相向通贊典禮二人位于知班之北東西相向通贊在西贊禮在東引太師太尉二人位於太師之北西立東向引文武班四人位于文武官拜位之北稍後東西

相向引殿前班二人位于引武班之南引使者二人位于引文班之南設殿前班指揮司官三員侍立位於丹陛上之西東向光祿官三員位于丹陛上之東西向拱衛司官位于殿門之左右東西相向文官侍從班起居注給事中殿中侍御史尚寶卿位於殿上之東西向武官侍從班懸刀指揮位於殿上之西東向護衛千戶八人位于殿東西門之左右東西相向典儀二人位于丹陛上之南東西相向鳴鞭四人位于丹陛上北向將軍

二人位於殿上簾前之左右將軍六人位於殿門之左
右將軍四人位于丹陛上之四隅將軍六人位於奉天
門之左右東西相向是日侵晨金吾衛陳設甲士於午
門外之東西陳五輅於丹墀之南北向典牧所陳仗馬
於文武樓之南東西相向陳虎豹于奉天門外東西相
向協律郎陳樂於丹墀文武官之南擊鼓初嚴催班舍
人催文武百官具朝服擊鼓次嚴引班引文武官各依
品從齊班于午門外以北為上東西相向通班贊禮知

班典儀內贊宿衛鎮撫鳴鞭殿內將軍殿外將軍俱入就位引班引殿前班指揮光祿卿各依品從序立於起居位東西相向諸侍衛官俱具服其器服及尚寶卿侍從官入詣謹身殿候迎擊鼓三嚴引班引文武官以序入就起居位引使客立於文班之後侍儀版奏外辦御用監令奏請皇帝服空頂幘雙童髻雙玉導絳紗袍御輿以出侍衛導從警蹕如常儀皇帝將出仗動和聲郎作樂太常博士引太常導至奉天殿即御位

樂止捲簾

鳴鞭雞唱報時訖拱衛司官由殿西門出降西階引班
引入起居位通班唱各恭事殿前班侍從班及諸執事
各就本位引禮引太師太尉先入就拜位引班引文武
官俱入就丹墀拜位知班唱班齊典儀唱拜贊禮唱鞠
躬樂作拜興拜興拜興拜興平身太師太尉及文武官
皆鞠躬拜興拜興拜興拜興平身樂止引禮引太師先
詣盥洗位西向立引禮唱搢笏盥手太師搢笏盥手引
禮唱悅手司巾以巾進太師悅手訖引禮唱出笏太師

出笏引禮引太師由西陞升引禮退就本位太師至殿
西門內贊接引至御席西東向立引禮復引太尉詣盥
洗位西向立引禮贊搢笏盥手太尉搢笏盥手引禮贊
脫手司巾者以巾進太尉脫手引禮贊出笏太尉出笏
引禮引太尉由西陞升引禮退復位太尉至殿西門內
贊接引入立於太師之南侍儀跪奏請加元服退復位
太尉進就皇帝席前少右跪搢笏脫空頂幘以授內使
內使跪受幘興置於櫛箱櫛畢設纚出笏興退立於西

太師進至御前北向立內使監令就案取冕立於太師之左太師祝曰令月吉日始加元服壽考維祺以介景福內使監令奉冕跪授太師太師搢笏跪受冕加冠加簪纓訖出笏興退立於西內使監令徹櫛纓箱御用監令跪奏請皇帝著袞服皇帝興著袞服訖侍儀跪奏請就御坐內贊贊進醴樂作太師進就御座前北面立光祿卿奉酒進授太師太師搢笏受酒至御前北面祝曰甘醴惟厚嘉薦令芳承天之休壽考不忘祝訖跪授內

使內使跪受酒捧進皇帝皇帝受酒祭少許啐酒訖以

虛盞授內使

樂止

內使受盞降授太師太師受盞興以

授光祿卿光祿卿受盞退太師出笏退復位內贊引太

師太尉出殿西門

樂作

降自西階引禮接引就丹墀拜

位立定

樂止

引禮退復位典儀唱拜贊禮唱鞠躬拜興

拜興拜興拜興平身太師太尉及文武官皆鞠躬

樂作

拜興拜興拜興拜興平身

樂止

贊禮唱指笏鞠躬三舞

蹈跪

三拱手加額

山呼山呼再山呼太師太尉文武百官皆

鞠躬拜興拜興拜興拜興平身再山呼出笏就拜興平

身典儀唱鞠躬

樂作

贊禮唱拜興拜興拜興拜興平身

樂止

典儀唱禮畢侍儀奏禮畢皇帝興

樂作

警蹕侍從

導引入宮

樂止

引禮引太師太尉及文武百官以次出

皇帝見太后

其儀見朝會篇

謁廟

其儀見宗廟篇

會羣臣

其儀見朝會篇

天子加元服圖

文官拜位

引班
班

樂

太師
太尉

武官拜位

引班
班

引禮
禮

明集禮卷二十三 十四

典儀

典儀

明集禮卷二十三上

內贊

內使

御座

御座

御座

御座

御座

內使

太師

太尉

內贊



盥洗

欽定四庫全書

明集禮卷二十三下

嘉禮

皇太子加元服

總序

孔子曰世子冠於阼以著代也醺於客位加有成也三加彌尊喻其志也冠而字之敬其名也雖天子之元子猶士也其禮無變天下無生而貴者故也唐開元禮皇

太子冠臨軒以命賓贊黃門侍郎執節授賓賓拜受節
中書侍郎取制書授賓賓拜受制詣東宮宗正卿入見
皇太子而後迎賓賓詣殿稱制行禮宋皇太子冠天子
御文德殿賓贊承制太子即席三加禮畢醴而字之左
輔復宣勅以戒此不命有司天子自為主而制命賓贊
行事也今擬國朝皇太子加元服叅用周文王成王冠
禮之年近則十二遠則十五天子自為主設御座於殿
庭設冠席於殿之東壁擇三公太常為賓贊三加冠一

祝醴祝辭醺辭字辭悉放周制爰舉歷代之制悉著于篇

筮日

儀禮筮日於太廟漢宣帝冠太子擇正月甲子丙子行事唐太子加元服卜日於太廟南門外太常卿太卜令等官各具公服布筮席開櫝出策而筮宋皇太子將冠前期大史筮日今擬國朝皇太子加元服命太史監筮日

奏告

古者太子冠必先告廟北齊皇太子加元服則太尉以制幣告七廟隋皇太子將冠其日質明有司告廟唐皇太子將冠先告太廟如常告之儀今擬國朝皇太子加元服遣官具特牲告廟行一獻禮其儀見宗廟篇

冠服

北齊皇太子加冠服空頂幘公服加進賢三梁冠再加遠游冠隋皇太子加元服皇帝袞冕有御坐皇太子服

空頂幘遠游冠加緇布冠再加遠游冠三加袞冕唐皇
太子加元服初服空頂黑介幘雙童髻玉導寶飾綵衣
加緇布冠再加遠游冠三加袞冕宋皇太子冠初加折
上巾再加遠游冠十八梁三加袞冕今擬國朝皇太子
加元服一加折上巾再加遠游冠三加袞冕其制見冠
服篇

加數

家語天子之元子冠擬諸侯之冠四加魏太子冠再加

宋冠皇太子以一加北齊皇太子冠再加隋復用三加之禮唐宋因隋制皇太子冠皆三加今擬國朝皇太子冠用三加之禮詳見儀注

賓贊

儀禮冠必有賓晉惠帝為太子將冠命司徒高陽王珪為賓屯騎校尉華廙為贊冠唐皇太子加冠命司徒為賓宋皇太子冠以禮部尚書為掌冠鴻臚卿為贊冠今擬國朝皇太子加元服命三公一人為賓掌冠太常卿

為贊冠

陳設

唐皇太子冠前一日尚舍奉御設御幄於太極殿衛尉
設羣官及朝集使次於左右朝堂大樂令設宮懸於殿
庭鼓吹令設十二案乘黃令陳車輅尚輦奉御陳輦輦
衛尉設賓贊次奉禮設文武羣官及宮臣位典儀設皇
太子受制位有司設皇太子羽儀車輿於殿上東壁下
三師三少席於冠席之左右設賓席於西階內直郎陳

服於帷內良醞令太官令奉醴饌諸衛勒所部陳設麾
仗宋政和四年皇長子冠設御坐於文德殿殿上前楹
施簾設香案於殿下大晟展官架之樂於殿庭街南設
掌冠贊冠應行禮官東宮官次於朝堂之內陳大輦於
殿西階下列御馬於殿門外列黃麾細仗於殿庭設皇
太子朝見位設掌冠贊冠受制位設左輔承制宣制位
設皇太子冠席褥位陳服于席南設疊洗於阼階東設
醴席于西階上實側尊于席南饌設于席今擬國朝陳

設詳見儀注

執事

晉司徒加冠光祿大夫校尉贊冠唐司徒為賓卿為贊
典謁掌引羣官通事舍人掌引宗正卿賓贊三師三少
左庶子掌版奏中嚴外辦洗馬掌迎導少傅掌受制書
贊冠者掌脫幘櫛纒今擬國朝皇太子加元服諸執事
者詳見儀注

樂

唐皇太子冠皇帝出大樂令撞黃鐘之鐘入撞蕤賓之鐘協律郎俱奏太和之樂皇太子冠自始至終樂作凡五宋皇太子冠皇帝出仗至降殿大樂正令撞黃鐘之鐘及蕤賓之鐘協律郎奏乾安肅安等樂皇太子就冠席及加冠奏欽安順安等樂今擬國朝皇太子加元服和聲郎奏樂詳見樂書

醴醢

儀禮加冠畢乃筵于戶西而受醴若不醴則醢用酒唐

皇太子冠訖贊冠者洗觶典饅郎酌醴贊冠者受醴以授賓賓進于皇太子祝訖皇太子受觶祭醴啐酒畢奠觶於薦宋皇太子冠訖即醴席贊冠者取爵內侍以酒注爵掌冠者跪進皇太子祝畢太子受爵啐酒如唐儀今擬國朝皇太子加元服訖行醴醺禮詳見儀注

祝辭

加冠而祝之周制也齊南郡王昭業冠祝辭曰筮日戒賓肇加元服棄而幼志從厥成德親賢使能克崇景福

唐皇太子加元服祝辭曰令月吉日始加元服棄厥幼志順其成德壽考惟祺以介景福再加曰吉月令辰乃申嘉服克敬威儀式昭厥德眉壽萬年永受祺福三加曰以歲之正以月之令咸加爾服以成厥德萬壽無疆承天之慶宋祝辭曰咨爾元子肇冠于阼筮日擇賓德成禮具於萬斯年承天之祐再加祝曰爰即令辰申加元服崇學以齒三善皆得副余一人受天百福三加辭曰三加稱尊國本以正無疆惟休有室大競懋昭厥德

保茲永命今擬國朝祝辭或用古辭或臨時撰述

醺辭

禮醺而祝之以成德也齊武帝命太常武安侯蕭惠本
加南郡王冠醺酒辭曰旨酒既清嘉肴既盈兄弟具在
淑慎儀形永永眉壽於穆斯寧唐冠皇太子祝醺辭曰
甘醴惟厚嘉薦令芳拜受祭之以受厥祥承天之休壽
考不忘宋祝辭曰旨酒嘉薦有飴其香拜受祭之以定
爾祥令德壽考日進無疆今擬國朝醴醺皇太子祝辭

或用古辭或臨時撰述

字辭

儀禮冠者立於西階東南面賓字之唐太子冠醺訖降
自西階至于西階之東立定賓少進字之曰禮儀既備
令月吉日昭告厥字君子攸宜宜之于嘏永受保之宋
皇太子冠訖醺醺醺訖易朝服立御殿前丹墀拜位
賓贊詣皇太子位前稍東西向賓少進字之曰始生為
名為賓之賓既冠而字以益厥身永受保之承天之慶

奉勅字某今擬國朝皇太子字辭臨時撰述

會賓贊

儀禮冠畢醴賓以一獻之禮酬賓以束帛儷皮唐制冠
訖賓贊及宗正出就會所行酒設會訖執事者奉束帛
之篚授宗正卿宗正卿以授賓又執事者奉束帛進授
贊冠者賓贊降出門外俱揖而退今擬國朝皇太子冠
訖會賓贊詳見儀注

朝謁

禮冠訖見母隋皇太子冠訖皇帝出更衣還宮皇太子從至闕因入見皇后再拜而退唐皇太子冠訖詣皇帝所御殿北向立再拜侍中宣勅戒曰事親以孝接下以仁使人以義養人以惠訖皇太子再拜少進稱臣雖不敏敢不祇奉又再拜拜訖詣皇后所御殿再拜尚儀稱令旨皇太子再拜宣令戒之辭如前太子進稱曰臣夙夜祇奉不敢失墜又再拜退宋皇太子冠訖左輔宣勅戒曰事親以孝接下以仁遠佞近義祿賢使能古訓是

式大猷是經暨訖皇太子俛伏跪奏稱臣雖不敏敢不祇奉奏訖禮畢皇太子入內朝見皇后如宮中之儀今擬國朝皇太子於奉天殿御前冠訖朝謁皇后其禮詳見儀注

謁廟

晉惠帝以正月丙午冠太子訖乃廟見北齊冠皇太子禮畢擇日謁廟唐冠皇太子禮成別日齋宿設儀衛謁廟宋皇太子冠禮畢擇日謁太廟別廟今擬國朝皇太

子加元服訖擇日謁廟

羣臣稱賀

齊南郡王冠其日百官詣公車門集賀并詣東宮南門
通牋唐皇太子冠訖文武百官班位於東朝堂稱賀賀
錄上禮宋皇太子冠訖羣臣朝賀上禮今擬國朝皇太
子冠訖百官具朝服詣奉天殿稱賀禮畢易公服詣東
宮稱賀

會羣臣

唐皇太子冠見廟之明日皇帝會羣臣如元會之儀羣臣上壽今擬國朝皇太子冠訖見廟之明日百官稱賀訖錫宴其儀見朝會篇

會宮臣

北齊皇太子冠訖擇日會宮臣唐開元禮皇太子冠見廟之明日會宮臣如常會之儀宮臣上壽今擬國朝皇太子冠訖宮臣詣東宮稱賀畢錫宴其禮見朝會篇

宮臣朝賀

齊武帝孫南郡王昭業冠宮臣亦詣門稱慶如上臺之儀唐皇太子冠訖詹事以下官集東宮南門之左稱賀上禮今擬國朝皇太子冠訖宮臣稱賀如常儀詳見朝會篇

皇太子加元服儀注

前期太史監承制筮日工部製袞冕遠游冠折上巾服翰林院撰祝文祝辭禮部備儀注中書省承制命某官為賓某官為贊既筮日遣官奏告天地宗廟禮部告示

文武百官於皇城守宿至日侵晨具朝服行禮前一日
內使監令陳御座香案于奉天殿中侍儀設皇太子次
于奉天殿之東房設賓贊次于午門外設皇太子拜位
于丹陛上正中又設賓贊受制位於皇太子位之稍西
北東向設承制官位於御座之東西向又設承制官宣
制位於皇太子位之東北西向設賓贊拜位於內道之
東北面西上設文官拜位於丹墀內道之東每等異位
重行北面西上設武官拜位於丹墀內道之西每等異

位重行北面東上設使客位於文官拜位之東北面西上設殿前班諸執事起居位於武官起居位之北東向設侍從班諸執事起居位於文官起居位之北西向設宿衛鎮撫二人位於東西陛下東西相向護衛百戶二十四人位於宿衛鎮撫之南稍後東西相向典牧所官二人位於乘馬之前東西相向知班二人位於文武官拜位之北東西相向通贊典禮二人位於知班之北東西相向通贊在西贊禮在東引太師太尉二人位於太

師之北西立東向引文武班四人位於文武官拜位之北稍後東西相向引殿前班二人位於引武班之南引使者二人位於引文班之南設殿前班指揮司官三員侍立位於丹陛上之西東向光祿寺官三員位於丹陛上之東西向拱衛司官位於殿門之左右東西相向文官侍從班起居注給事中殿中侍御史尚寶卿位於殿上之東西向武官侍從班懸刀指揮位於殿上之西東向護衛千戶八人位於殿東西門之左右東西相向典

儀二人位於丹陛上之南東西相向鳴鞭四人位列於丹陛上北向將軍二人位於殿上簾前之左右將軍二人位於殿門之左右將軍四人位於丹陛上之四隅將軍六人位於奉天門之左右東西相向是日侵晨金吾衛陳設甲士於午門外之東西擊鼓於門外之中道列旗仗於奉天門外之東西陳五輅於丹墀之南北向典牧所陳仗馬於文武樓之南東西相向陳虎豹於奉天門外東西相向協律郎陳樂於丹墀文武官拜位之南執

事官設壘洗於東階東南壘在洗東篚在洗西內使監設皇太子冠席於殿上東南西向設醴席於西階上南向張帷幄於東序內設褥席於帷中又張帷於序外御用監陳服於帷內東領北上袞服九章遠游冠絳紗袍折上巾絳紗袍緇纁犀簪二物同箱在服南櫛實於箱又在南司尊實醴於側尊加勺畢設於醴席之南設坫於尊東置二爵於坫進饌者實饌設於尊北諸執事者皆立於其所冕九旒遠游冠十八梁折上巾冠冕各一

箱盛執事官各執立於階之西東面北上擊鼓初嚴催班舍人各催文武官具朝服擊鼓次嚴引班引文武官依品從齊班於午門外以北為上東西相向通班贊禮知班典儀內贊宿衛鎮撫護衛鳴鞭殿內外將軍俱入就位引禮引賓贊入立於奉天門外道東西相向東宮官以下導從皇太子至殿門外贊禮同太常博士引皇太子詣奉天殿東房訖引班引殿前班指揮光祿卿諸侍衛官各服其器服及尚寶卿侍從官入詣謹身殿奉

迎擊鼓三嚴引班引文武官以序入就起居位侍儀版
奏外辦御用監奏請皇帝服通天冠絳紗袍御輿以出
侍衛導從警蹕如常儀皇帝將出仗動陞御座將軍捲
簾鳴鞭司晨雞唱訖引禮引賓贊入就位立定贊禮唱
鞠躬樂作拜興拜興拜興拜興平身樂止侍儀詣御座前
承制降自東階詣賓前稍東西向稱有勅贊禮唱跪承
傳通唱在位官皆跪侍儀宣制曰皇太子冠命卿等行

禮宣制訖贊禮唱俯伏興拜興拜興拜興拜興平身文武侍從班起居注給事中殿中侍御史尚寶卿陞殿立於殿上之東西向武官侍從班懸刀指揮陞殿立於殿上之西東向引禮引賓贊及應行禮官詣東階下位立定東宮官入詣皇太子東房次太常博士亦詣東房引皇太子入就冠席內侍二人夾侍東宮官後從皇太子初行樂作即席西南向樂止引禮引賓贊以次詣巽洗樂作播笏盥手悅手訖出笏樂止升自西階執折上巾

者升賓降一等受之右執項左執前進皇太子席前北

面祝畢乃跪冠

樂作

賓興席南北面立贊冠者進席前

北面跪正冠興立於賓之後內侍跪進服服訖

樂止

賓

揖皇太子復坐引禮引賓贊降詣壘洗如上儀贊冠者

進席前北向跪脫折上巾置于箱興授內侍內侍跪置

于席執遠游冠者升賓降二等受之右執項左執前進

皇太子席前北向立祝畢乃跪冠

樂作

賓興席南北面

立贊冠者進席前北面跪簪結紘興立於賓後皇太子

興內侍跪進服服訖

樂止

賓揖皇太子復坐引禮引賓

贊降詣壘洗如上儀贊冠進席前北向跪脫遠游冠置

于箱興授內侍內侍受置于席執袞冕者升賓降三等

受之右執項左執前進皇太子席前北向立祝畢乃跪

冠

樂作

賓興席南北面立贊冠者進席前北面跪簪結

紃興立於賓後皇太子興內侍跪進服服訖

樂止

太常

博士引皇太子降自東階

樂作

由西階升即醴席南向

坐

樂止

引禮引賓詣壘洗

樂作

搯笏盥手帨手訖出笏

升西階

樂止

贊冠者取爵盥爵悅爵詣司尊所酌醴授

賓賓受爵跪進于皇太子席前北向祝畢皇太子搢圭

跪受爵

樂作

飲訖奠爵執圭進饌者奉饌設於皇太子

席前皇太子搢圭食訖執圭興執事官徹爵與饌太常

博士引皇太子降自西階詣殿門東房易朝服訖詣丹

墀拜位北向東宮官屬各復拜位皇太子初行

樂作

至

位

樂止

引禮引賓贊詣皇太子位稍東西向賓少進字

之辭畢奉勅字某太常博士啓皇太子再拜典儀唱鞠

躬拜興拜興跪聽宣勅畢就拜興拜興平身太常博士
引皇太子進御座前俛伏跪奏稱臣不敏敢不祇奉奏
畢復位侍立官並降殿復拜位典儀唱鞠躬拜興拜興
拜興拜興承傳唱在位官以下皆拜鞠躬拜興拜興拜
興拜興平身侍儀奏禮畢贊禮承傳唱禮畢皇帝興樂
作警蹕侍從導引如來儀至謹身殿樂止內給事導皇
太子入內朝見皇后如朝正之儀引禮引賓贊引班引
東宮官及文武百官以次出

明日謁廟

其日陪祭官先赴廟庭東西位北向立皇太子服袞冕
執圭太常博士導皇太子由南門入就廟庭前褥位北
向立太常博士啓皇太子再拜典儀唱鞠躬拜興拜興
平身承傳唱陪位官皆拜鞠躬拜興拜興太常博士啓
請皇太子升殿東階詣神位香案前褥位北向立太常
啓皇太子上香上香三上香訖復位又啓皇太子鞠躬拜
興拜興平身贊禮承傳陪位官皆拜鞠躬拜興拜興平

身典儀啓禮畢承傳唱禮畢儀仗導皇太子還宮如來
儀

皇太子冠圖

明集禮卷二十三下十八

百官拜位

賓贊

百官拜位

宣制

皇太子

贊

陳服

冠席

醴席

皇太子次

御座

明集禮卷二十三下

欽定四庫全書

明集禮卷二十四

嘉禮八

親王冠禮

總叙

親王即周之同姓諸侯漢之諸侯王也漢室冠諸侯遣使行事魏氏冠諸王用三加禮晉議冠南宮王不復加使命冠汝南王復用漢遣使之儀劉宋冠蕃王齊冠南

郡王止一加唐制親王冠於廳事主人行禮天子不自為主止稱賓贊無臨軒遣命之文三加三醺並同於士宋皇子楷冠於文德殿天子自為主不命有司陳設儀如皇太子但皇太子冠席西向而皇子席南向皇太子醺於客位而皇子醺於冠席為異耳其加冠醴醺皆約士禮而為之也今擬國朝親王之冠皆天子自為主其陳設儀同皇太子

筮日

儀禮筮日筮賓士冠禮也唐開元禮諸王冠並筮日於太廟南門外又本司帥其屬筮日於廳事太卜令正占者各服公服布筮席開櫝出策致祭宋制前期太史局擇日今擬國朝前期太常寺關太史監擇日

告廟

五禮精義皇帝加元服告天地宗廟皇子冠獨告廟示親也亦尊先祖之意宋皇子楷冠前期擇日差官奏告景靈東西宮文德殿陳設如冠皇太子儀今擬國朝親

王冠遣官告廟行一獻禮

冠服

魏氏冠親王初加皮弁次長冠次進賢冠唐親王冠初服雙童髻出加緇布冠再加遠游冠三加衮冕宋皇子冠初加折上巾再加七梁冠緋羅大袖衫三加九旒冕青衣朱裳九章今擬國朝親王冠一加折上巾再加七梁冠三加九旒冕

加數

魏冠諸王用三加禮劉宋冠蕃王其儀止一加唐三加三醺並同於士宋政和五年皇子楷冠三加今擬國朝親王冠同唐宋用三加禮

賓贊

儀禮有筮賓宿贊冠之儀唐制前三日本司帥其屬筮日筮賓於廳事訖主人至賓第告賓遣使戒贊冠者宋冠皇子太常為掌冠閣門為贊冠乃行事今擬國朝冠親王前期選禮部太常司官有德望者奏聞為賓贊行

事

樂

唐親王冠如士禮無樂宋皇子冠以開元開寶太子加元服有樂親王無樂乃增用大晟樂今擬國朝親王冠天子自為主必當用樂同皇太子冠用樂

醴醺

古者冠嫡子於東序冠庶子於序之外醴適子於戶西醴庶子於冠之所所以明醴醺之位不同也唐制每一

加冠訖進立於席後南面賓詣酒尊所取爵酌酒進冠
筵前北面祝之宋皇子冠訖贊冠者跪取爵內侍以酒
注於爵掌冠受爵跪進皇子席前北面立祝之今擬國
朝親王三加冠賓三進爵于冠席前北向祝倣唐宋制

祝辭

唐親王加冠祝辭曰旨酒既清嘉薦亶時始加元服兄
弟具來孝友時格永乃保之再加祝曰旨酒既滑嘉薦
伊脯乃申其服禮儀有序祭此嘉爵承天之祐三加祝

曰旨酒令芳籩豆有楚咸加其服肴升折俎承天之慶
壽福無疆宋皇子冠初加曰酒醴和旨籩豆靜嘉受爾
元服兄弟具來永言保之降福孔皆再加曰賓贊既戒
敬核惟旅申加厥服禮儀有序永觀爾成承天之祐三
加曰旨酒嘉粟甘薦令芳三加爾服眉壽無疆永承天
休俾熾而昌今擬國朝祝辭同

醴辭

唐醴辭同祝辭開元禮太子冠而後醴醴而不醕親王

冠每一加一醮宋冠皇子同唐制今擬國朝醴辭同

字辭

唐親王冠字之辭曰禮儀既備令月吉日昭告爾字爰
字孔嘉君子攸宜宜之于嘏永受保之曰伯某甫宋字
皇子之辭曰歲日云吉威儀孔時昭告厥字君子攸宜
順爾成德永受保之奉勅字某今擬國朝字辭行禮臨
時奏聞取旨陳設執事並同皇太子加元服儀

會賓贊

唐親王冠訖賓出主送於內門外請禮賓賓辭不獲乃就次改設席會訖主授幣賓受之掌事又以幣授贊冠者賓主再拜賓退主入今擬國朝親王冠訖禮會賓贊見儀注

朝謁

唐親王冠訖詣闕至次著朝服通事舍人引詣皇帝所御殿近臣奉即御座引皇子立於階間北面再拜近臣引皇子至皇后殿閣外附奏皇后即御座司言至閣引

皇子立於階間北面再拜司言引出閤宋皇子冠帝自
為主冠訖已躬受帝訓戒惟入內朝見皇后如宮中儀
國朝親王冠禮畢內給事引入於御座前禮畢內給事
引入內朝見皇后如宮中儀

謁東宮

冠禮成人之道也責成人之禮也將責為人子為人臣
為人弟為人少者之行也今擬國朝親王冠訖朝服謁
東宮詳見儀注

謁廟

古者冠於廟所以尊重事所以自卑而尊先祖也禮成之明日朝服謁廟示有尊也今擬國朝親王冠畢擇日謁廟羣臣稱賀會羣臣其禮同皇太子加元服王府官賀會王府官其禮同正旦賀錫宴

親王冠圖

明集禮卷二十四

七

文官拜位

武官拜位

賓贊

樂原

賓贊

親王

冠序

醴席

陳服

親王次

御位

品官冠禮

總叙

後世所謂品官蓋即古之大夫也古之大夫無冠禮大夫五十而後爵何冠禮之有其冠也則服士服行士禮而已自唐至宋品官冠禮悉倣士禮而增益之至於冠制則一品至五品三加俱用冕六品而下三加用爵弁焉今著品官之儀始加緇布冠再加進賢冠三加爵弁以為國朝品官通行之制

筮日

唐開元禮五品以上嫡子筮於廟門外無廟筮於正寢之堂宋制三品以上之子將冠筮於廟門之外無廟者筮於正寢之堂主人公服立於門東西面無廟者於堂上兩楹間近東西向掌事者各服其服布筮席筮者開櫝出策執之受命於主曰為某子某日加冠庶幾從之筮者諾釋櫝坐筮訖降席稱占曰從筮者退若不吉則筮遠日如初儀

陳服器

唐開元禮陳衣一品袞冕服九章五章在衣龍山華蟲
火宗彝四章在裳藻粉米黼黻二品鷩冕服七章三章
在衣華蟲火宗彝四章在裳藻粉米黼黻三品毳冕服
五章三章在衣宗彝藻粉米二章在裳黼黻四品絺冕
服三章一章在衣粉米二章在裳黼黻五品元冕衣無
章裳刺黼一章六品以下爵弁服青衣纁裳七品以下
進賢冠緇布冠三品以上莞筵四加藻席四品五品蒲

筵四加荏席六品以下蒲筵四不加荏席一品以下側
尊甌醴在服北加勺罍設坫在尊北實角觶角柶各一
加罍饌陳於坫北四品以下無坫同設醴庶子尊於房
戶外之西兩甌玄酒在西加勺罍設坫於尊東置二爵
於坫加罍饌陳於服北一品俎三籩十豆十三品八四
品五五品六六品以下用特牲宋制一品至六品以下
冠冕之制同開元

加冠

唐開元禮一品至五品行冠禮初加緇布冠再加進賢冠三品以上進賢冠三梁纓青綬導四品五品以兩梁

六品以下一梁

三加冕

一品衮冕二品鷩冕三品毳冕四品絺冕五品元冕

爵弁

六品以下用之

宋制如開元

賓贊

唐開元禮前三日筮賓如筮日之儀賓謂可使冠子者故筮之宋制三品以上嫡庶冠筮賓其儀同筮日又戒賓宿賓皆主冠者自行禮有故聽以函書戒宿戒宿贊

冠者亦如之

樂

五禮精義云戴禮云冠無樂春秋傳云必以金石之樂
節之許慎云人君飯舉樂而冠無樂非禮意也故今用
正樂為節今擬品官子冠皆用時俗樂

醴醕

唐開元禮三加畢冠者著服出房戶西南面立賓主俱
興主者贊冠者盥手洗解於房酌醴加柶覆之面葉出

房南面立賓揖冠者冠者就筵西南面立賓進受醴於
室戶東西柶面柶進冠者筵前北面立祝之冠者筵西
拜受觶宋因其制

祝辭

唐開元禮三加祝辭百官自一品至九品祝辭同始加
祝曰令月吉日始加元服棄爾幼志順爾成德壽考維
祺介爾景福再加曰吉月令辰乃申爾服敬爾威儀淑
慎爾德眉壽萬年永受嘏福三加曰以歲之正以月之

令咸加爾服兄弟具在以成厥德黃耆無疆受天之慶
宋因其制

醺辭

唐開元禮一品以下嫡子三加冠後酌醴以禮之其祝
辭云甘醴惟厚嘉薦令芳拜受祭之以定爾祥承天之
休壽考不忘其庶子則醺而不醴三加三醺皆用士禮
之醺辭宋通禮因之

字辭

唐制一品以下字辭云禮儀既備令月吉日昭告爾字
爰字孔嘉髦士攸宜宜之于嘏永受保之曰伯某甫宋
三品以下悉因其制

冠者見母

唐開元禮自一品以下冠者升筵跪解奠於薦東興進
北面跪取脯降自西階入見母進奠脯於薦前退再拜
以出冠者母不在則使人受脯于西階下宋通禮三品
以下因其制

謁廟

唐開元禮明日冠者朝服見廟無廟者見祖禰於寢質明贊禮者引入廟南門中庭道西北面賓贊再拜訖引出六品以下見祖禰於正寢冠者公服陳几筵於正寢贊禮引至庭北面再拜宋制如開元

冠儀

前期擇日主者告於家廟無廟則告於祠堂北面再拜告云某之子某年漸長成將以某月某日加冠於其首

謹以告乃筮賓主者北面再拜告云卜以某甲子吉冠
某速某賓加冠庶幾臨之謹告前二日主者戒賓及贊
冠者主者至賓大門外掌次者引之次儼者受主者之
命入告賓曰某之子某將加冠願吾子教之賓曰某不
敏恐不能供事以辱吾子敢辭主者曰某猶願吾子教
之賓曰吾子重有命某敢不從主者再拜賓答拜主者
還賓拜送主者戒贊冠者亦如之

亦通使子弟戒之

前一日掌

事者設次於大門外之右南向其日夙興掌事者設洗

欽定四庫全書

卷二十四

於堂阼階東南東西當東雷六品以下當東榮南北以堂深壘

水在洗東加勺罍篚在洗西南肆實巾一於篚加罍席

於東房內西牖下無房者張帷為之陳服於席東領北上莞筵

四加藻席四在南側尊甌醴在服北加勺罍設四品以下

設篚無玷在尊北饌陳於玷北設洗於東房近北壘水在洗

西篚在洗東北肆實以巾質明賓贊至於主者大門外

掌次者引之次賓贊公服諸行事者各服其服六品以下無公

服者服常服執尊壘篚者皆就位某冠各一廂各一人執之

待於西階之西東面北上設主者之席於阼階上西面賓
席於西階東面冠者席於主者東北西面主者公服立於
阼階下當東序西面諸親公服非公服者常服立於盥洗
東南西面北上

尊者在別室

賓者公服立於門內道東北面將

冠者

雙童髻空頂幘雙玉導金寶飾綠袴褶錦紳烏皮履六品以下導不以玉此唐宋之制也

立於房內

南面主者贊冠者公服立於房內戶東西面賓及贊冠出
次立於門西贊冠者少退俱東面北上賓者進於主者之左
北面受命出立門東西面曰敢請事賓曰某子有嘉禮命

其執事賓者入告主者迎賓於大門外之東西面再拜賓

答拜

凡主賓拜揖皆贊禮者相導

主者揖贊冠者贊冠者報揖主者又

揖賓賓報揖主者入賓及贊冠者次入及門內行至階

主者

立於階東西面賓贊立於階西東面

主者請升賓曰某備將事敢辭主者固

請賓固辭主者終請賓三辭主者升自阼階立於席東西

向賓升自西階立於席西東向贊冠者及庭盥於洗升自

西階入於東房立於主者贊冠者之南俱西面主者贊冠

者引將冠者立於房外之西南面賓之贊冠者取纁櫛簪

跪奠於冠者筵南端席北少東西面立賓揖將冠者賓
主俱即席坐將冠者進升席西南坐賓之贊冠者進筵
前東面跪脫雙童髻置於箱櫛畢設纓興復位立賓主
俱興賓降至盥洗盥手訖詣西階主者立於席後西面
賓立於西階上東面執緇布冠者升授賓賓降一等受
之右執項左執前進將冠者筵前東向立祝曰令月吉
日始加元服棄爾幼志慎爾成德壽考維祺介爾景福
乃跪冠興復西階上席後東面立賓之贊冠者進筵前

東面跪結纓興復位冠者興賓揖冠者冠者適房賓主

俱坐冠者

著青衣素裳之服

出房戶西南面立賓主俱興賓揖

冠者冠者進升席西向坐賓之贊冠者跪脫緇布冠置

於箱櫛畢設纓興復位執進賢冠者升賓降二等受之

右執項左執前進冠者筵前東向立祝曰吉月令辰乃

申爾服恭爾威儀淑慎爾德眉壽萬年永受嘏福乃跪

冠興復位賓之贊冠者跪設簪結纓興復位冠者興賓

揖冠者冠者適房賓主俱坐冠者

著絳紗服

出自房戶西南

面立賓主俱興賓揖冠者冠者進升席西向坐賓之贊冠者跪脫進賢冠置於箱櫛畢設纓興復位執爵弁者升賓降三等受之右執頂左執前進冠者筵前東向立祝曰以歲之正以月之令咸加爾服兄弟具在以成厥德黃耆無疆受天之慶乃跪冠興復位賓之贊冠者跪設簪結纓興復位冠者興賓揖冠者適房賓主俱坐主者贊冠者撤纓櫛簪箱及筵入於房又設筵於室戶西南向冠者著爵弁之服出房戶西南面立賓主俱興主

者贊冠者盥手洗解於房酌醴出房南而立賓揖冠者冠者就筵西南面立賓進受醴進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘冠者筵西拜受解賓復西階上東面答拜執饌者奉饌薦於冠者筵前冠者左執解右取脯祭於籩豆之間贊冠者取肺一以授冠者冠者奠解於薦西以祭冠者坐取解祭醴奠解再拜執解興賓答拜賓主俱坐冠者升筵跪奠解於薦東興進北面跪取脯降自西

階入見母進奠脯於席前退再拜以出冠者母不在則使人受脯於西階下初冠者入見母賓主俱興賓降當西序東面立主者降當東序西面立冠者既見母出立於西階東南面賓少進字之曰禮儀既備令月吉日昭告爾字爰字孔嘉髦士攸宜宜之於嘏永受保之曰伯某甫冠者曰某雖不敏夙夜祇奉賓出主者送於內門外主者西向請賓曰吾子辱執事請禮從者賓曰某得將事敢辭主者固請賓曰某既不得命敢不從賓就次

主者入初賓出冠者東面見諸親諸親拜之冠者答拜
冠者西面拜賓之贊冠者賓之贊冠者答拜訖見諸尊
於別室賓主既釋服改席訖賓與衆賓俱出次立於門
西東面主者出門東西面主者揖賓賓報揖主者先入
賓及衆賓從之至階賓立於西階上贊冠者在北少退
俱東面主者立於東階上西面衆賓降立於西階下東
面掌事者以幣篚升授主者主者授幣篚于賓賓受之
又以幣篚授贊冠者贊冠受之俱復位主者還阼階上

北面拜送賓贊降自西階主者送賓於大門外之東西
面再拜賓出主者入孤子則諸父諸兄戒賓冠之日主
者紆而迎賓拜揖讓如冠主冠於阼階之下禮賓拜送
皆如上儀明日見廟冠者朝服質明贊禮者引入廟南
門中庭道西北面贊再拜訖引出

欽定四庫全書



卷二十四

士庶冠禮

總叙

古者冠禮唯士獨存後世之所謂冠儀皆推士禮為之也漢晉以來士禮廢而不講至於唐宋乃有士庶通禮雖采士冠儀文然失之太繁今以文公家禮為準而定士庶冠禮有官者公服帶靴笏無官者襴衫帶靴通用皂衫深衣大帶履櫛須掠其筓日戒賓醴祝之儀一遵儀禮具著于後以為今日通行之制

筮日

凡男子年十五至二十皆可冠將冠主人盛服親臨筮日於祠堂之內西向具祝版云某之子某年漸長成將以某月某日加冠於其首得卜則從之若不吉則更筮他日

筮賓 戒賓

前期三日筮賓如筮日之儀主人北面再拜乃告曰某子某年若干矣卜以某甲子冠吉乃速賓某以始卒冠

事庶幾臨之謹告乃遣人戒賓曰某有子某某日將加冠於其首願吾子之教之也賓對曰某不敏恐不能供事敢辭主人不許賓乃諾

陳服器

其日夙興張帷為房于廳事之東賓主人執事者皆盛服執事者設盥盆於廳事阼階下東南陳服於房中西牖下東向北上

公服帶靴笏襴衫帶靴深衣大帶擗篋總

席二在南酒壺在

服北次盞注亦置卓子上幘頭帽巾各承以盤蒙以巾

怕執事者三人執之立於堂下西階之西南向東上主人立於阼階下子弟親戚立於盥盆東儼者立于門外以俟賓將冠者雙紒袍勒帛素履待于房中賓至主人出迎揖而入坐定冠者出自房執事者白請行事

加冠幘頭祝辭

賓之贊者取櫛總篋幘頭置于席南端賓揖將冠者將冠者即席西向坐為之櫛合紒施總加幘頭賓降主人亦降立於阼階下賓盥手訖主人揖讓升自西階皆復

位賓降西階一等執巾者升一等授賓賓執巾詣將冠者席前東向祝曰令月吉日始加元服棄爾幼志順爾成德壽考維祺介爾景福乃跪為之著巾興復位賓揖冠者適房易服

服深衣大帶

出房即冠席賓盥如初降二等

受帽進祝曰吉月令辰乃申爾服敬爾威儀淑慎爾德眉壽永年享受遐福乃跪冠興復位如初冠者興賓揖之適房易服服旋襴衫腰帶出房南向賓揖之即席賓盥如初降三等受幘頭進祝曰以歲之正以月之令咸

加爾服兄弟具在以成厥德黃耆無疆受天之慶贊者
撤帽賓加幘頭復位如初冠者興賓揖之冠者適房改
服公服執事者撤冠箱冠席入於帷中

醴

祝辭

執事者設醴席於西階南向贊者取盞斟酒於房中出
房立於冠者之南西向賓揖冠者即醴席西向立賓受
盞于贊者詣席前北向立祝曰爾酒既清嘉薦令芳拜
受祭之以定爾祥承天之休壽考不忘冠者席西拜受

賓客拜執事者薦饌于席前冠者即席坐飲食訖再拜
賓客拜

字辭

冠者興離席立於西階之東南向賓少進字之曰禮儀
既備令月吉日昭告爾字爰字孔嘉髦士攸宜宜之于
嘏永受保之曰伯某甫仲叔季唯其所當冠者拜賓客
拜

冠者見拜

拜父父為之起拜母母為之起拜諸父羣從之尊者遂出見於鄉先生及父之執友冠者拜先生執友皆答拜

醴賓

賓請退主人請醴賓賓辭固請許諾乃入設酒饌延賓及擯贊酒罷賓退主人酬賓及贊者以幣多少隨宜乃拜謝之

謁廟

冠禮畢主人以冠者見於祠堂告辭曰某之子某今日

冠畢敢見冠者北向焚香俛伏興再拜而出

欽定四庫全書

卷二十四

士庶冠禮圖

明集禮卷二十四 二十五

張帷為房於廳事之東

將冠者

雙紒

酒爵
盥注

公服帶執紼
衫帶執紼
深衣大帶總
櫛

冠席

盥盆

子弟
親戚

主

擯者

醴席



執幘頭者
執帽者
執巾者

賓

